

## Conradus de Soltau

Quaestiones super quattuor libros Sententiarum Petri Lombardi

*Principium I*

*Collatio*

Mss: Mainz, Stadtbibliothek, Hs I 16, ff. 30ra-31ra; Wien, ÖNb, Cod. 4578, ff.

127vb-128vb

ed. Mihai Maga

*Vidi in dextera sedentis super thronum librum scriptum intus et foris et signatum sigillis septem, Apocalypsis 5<sup>o</sup> capitulo. Si sacrarum scientia litterarum, suprema omni, magistra virtutum, divinorum sapientia eloquiorum, ipsa cuius studio dependenti operam damus, sancta Scriptura totius pietatis et nostrae salutis scientia sancta, dico: theologia ad ceteras huius vitae comparata fuerit scientias;*

Veritatis transcendit certitudine,  
Auctoritatis praecellit altitudine,  
Sententiarum plenitudine dinoscitur fecundior,  
Materiarum difficultate comprobatur fore profundior.

Ideo,

Luculenter contemplans eius veritatem rectam,  
Reverenter attendens eius auctoritatem altam,  
Copiosius in ea conspiciens sententiarum plenitudinem,  
Fructuosius inveniens materiarum quas continet difficultatem,

Veritate cupiens illustrari,  
Auctoritate volens roborari,  
Plenitudine sperans satiari,  
Difficultate eligens exercitari,

perfecto allicitur ad huius benedictae scientiae sanctum studium et sic congrue de ea dicit verbum propositum: *Vidi in dextera sedentis super thronum etc.*

(...)

In quibus verbis circa *Sententias* praesentis voluminis, video ista quatuor:

Decor luminis superni mentem illustrat;  
Honor creatoris summi mundum instaurat;  
Amor redemptoris nostri cuncta restaurat;  
Vigor verus sacramenti rite reformat.

Decorem: decorem luminis superni;  
Honorem: honorem creatoris summi;  
Amorem: amorem redemptoris nostri; et  
Vigorem: vigorem verum sacramenti.